


# Melan im Peļaakin Āne Kein Āneed Rōttā

Jikin ko reoktak jān doon ilo āne kein rej ijoko keinikkan ko im menin mour ko rāin juon jān doon rej eddek im mour ie. Kajjojo iaan keinikkan im menin mour kein aikuji melan im peļaak eo ekkar īane bwe en maroñ mour. Nan waan joñak, juon wōjke ej mour ibukun wōjke ko jet, ak juon ek ej mour ilojet.

Melan im peļaak ko ioon āne jej na etaer joor āne. Ekoba bukun wōjke im atake ak jikin kallib ko. Melan im peļaak ko relukkuun epaake dān ak rej pād ilo dān jej na etaer joor meto. Bareinwōt jikin ko ewōr dānnin lał ie, einwōt bōl in iaraj ko, im jikin ko ewōr dānnin lojet ie.

Elaññe jej jab kōjparoki melan im peļaak ko rein juon jān doon ioon āne kein āneed, enaaj ejjełok jikin an jet menin eddek im menin mour pād im mour, innem renaaj jakołok indeeo.




**1 BUKUN WÖJKE** ko rej eddek ioon āne ko rōttā im eaar jab kanoojlap an armej ūrōjiłok ak kōmäkuti. Ekutōkmaaro kāān āne kein im rōbukwekwe kōn wōjke, elōn keinikkan im menin mour raar baj jokwe wōt ie jān jinoiñ.




**2 JIKIN KALLIB** in bukun wōjke rej pād ipelaakin jikin ko armej rej jukjuk im amñak ie, ijoko rej kōmäman atake im katoki wōjke ko ewōr tokjäer ie. Jikin kein roobrak kōn leen wōjke im menin eddek ko jet raorōk.



**3 BÖLIN IARAJ** repād ilo jikin ko rōkomälal. Rütto ro ilo epepen ko łok mokta raar kūbwiji bōl kein. Ewōr mōttan dān ilowaer im rej jikin ekkat iaraj.




**4 IOON KAPPE** ko rej ijoko rōkabokbok me lojet ej tōpar tok āne ie. Elōn bao in mejetoto, korap, baru, im menin mour ko jet rej mour im pād iumwin aelettörin kimejān ni ko rej eddek ie.




**5 ĀNE JIDDIK** ko ejjełok armej ie rej jikin ko epolōmāer īan an wōn ko lik ie im an bao in mejetoto ko el. Menin mour kein rōban mour elāññe ejjełok jikin aer lik im el.




**6 MALO** ko rej mōttan lojet eo ej jepoole ak kapoole āne im pedped ko. Bwijn bwijin menin mour in lojet rej mour ilo mało kein. Enañin aolep mōñein lojet ko kijed rej itok jān jikin kein jej kōnono kaki.



**7 PEDPED** ko rej jāłłok īan mało eo repenjak jān no. Ewōr jet wōd ie im elap aer limlimi im kabokbok. Elōn mēnnin mour rōkōnaan jikin rot kein relur im jokwane.



**8 KÖPPÄÄT** ko rōmmelo rej eddek lōn tak einwōt bat ilo jikin ko relimlimi ak rōkabokbok ikipin lojet. Elōn mēnnin mour in lojet rej koon łok im jokwe ilo rōñ im kōk jiddik ko ie.



**9 PEDPED** ko rej jāłłok īan lojeto rejedmatmat īan an no ko tōri. Ejirümle tōrereier im rej atartar ippān lojeto. Ek ko rellap im elōn wōd ko rein juon jān doon rej mour ilo jikin kein.

